


欽定周官義疏

第四
函
八
冊

欽定周官義疏卷第四十五

禮器圖一

九畿



案周之王畿與九服共方萬里。故此九服除王畿之外。每服言又方以別之。畿者限也。樹之封疆而限以千里。故曰王畿。侯者侯也。爲王斥侯服者。服事於王。甸田也。爲王治田出稅。男者任也。爲王任其職理。采事也。爲王事民以供其上。蠻者縻也。以政教縻之。又蠻服。大司馬謂之要服。要者以政令要束爲義。於四要之內方七千里。故王制注云。周公復唐虞舊域。分其五服爲九。其要服之內凡七千里。夷之一服在夷狄之中。故以夷言之。

鎮服入夷狄又深。故須鎮守之。藩服者以其最在外爲藩籬也。

邦畿

都五百里

縣四百里

稍三百里

遂二百里

鄉遠郊百里
近郊五十里

王城

案詩曰。邦畿千里。春秋傳曰。天子一圻。周語曰。規方千

里。則天子面五百里爲王城。百里爲郊。郊置六鄉。七萬
五千家。而近郊之宅田。土田賈田。遠郊之官田。牛田。牧
田。任其餘地。皆謂之郊。以其與邑交故也。二百里爲甸。
甸置六遂。七萬五千家。而公邑任其餘地。皆謂之甸。以
甸法在是故也。三百里爲邦。稍。稍所以封大夫與王子
弟之尤疏者。謂之稍。以其削於縣都故也。四百里爲邦
縣。所以封卿與王子弟之疏者。謂之縣。以其係於上故也。

也。五百里爲邦都。所以封公與王子弟之親者。謂之都。以其有邑都故也。此周制也。周九服。侯在畿外。夏則五服。甸在畿內也。

井牧

九夫為井



四井為邑



四邑為邱



四邱為甸



四甸為縣



四縣為都



案周禮小司徒乃經土地而井牧其田野。九夫爲井。四井爲邑。四邑爲邱。四邱爲甸。四甸爲縣。四縣爲都。以任地事。匠人九夫爲井。井間廣四尺。深四尺。謂之溝。方十里爲成。成閒廣八尺。深八尺。謂之洫。方百里爲同。同閒廣二尋。深二仞。謂之澮。王制方一里者爲田九百畝。方十里者爲方一里者百。爲田九萬畝。方百里者爲方十里者百。爲田九十萬畝。方千里者爲方百里者百。爲田九萬億畝。凡四海之內。斷長補短。方三千里爲田八十


萬億一萬億畝。方百里者。爲田九十億畝。山陵林麓。川澤溝瀆。城郭宮室涂巷。三分去一。其餘六十億畝。孟子曰。方里而井。井九百畝。其中爲公田。八家皆私百畝。同養公田。公事畢。然後敢治私事。前漢志曰。六尺爲步。步百爲畝。畝百爲夫。夫三爲屋。屋三爲井。井方一里。是爲九夫。八家共之。各受私田百畝。公田十畝。是爲八百八十畝。餘二十畝。以爲廬舍。民受田。上田夫百畝。中田夫二百畝。下田夫三百畝。歲耕種者爲不易。上田休一歲。

者爲一易。中田休二歲者爲再易。下田三歲更耕之。農
民戶一人受田。其家衆男爲餘夫。亦以口受田。司馬法。
六尺爲步。步百爲畝。畝百爲夫。夫三爲屋。屋三爲井。井
十爲成。成十爲通。通十爲終。終十爲同。蓋井方一里爲
九夫。四井爲邑。邑方二里。三十六夫。十六井爲邱。邱方
四里。百四十四夫。六十四井爲甸。甸方八里。五百七十
六夫。二百五十六井爲縣。縣方十六里。二千三百四夫。
一千二十四井爲都。都方三十一里。九千二百一十六

夫鄭康成以小司徒有邑甸縣都之別而其名與采邑同。匠人有畛遂溝洫澮之制而多寡與遂人異。故言都鄙采地制井田。鄉遂公邑制溝洫賈公彥遂謂鄉遂及四等公邑皆用貢而無助也。豈知先王之爲井田也使所飲同井。所食同田。所居同廛。所服同事。出入相友。守望相助。疾病相扶持。鄉遂六軍之所寓。豈各授之田而不爲井法乎。且大田之詩言曾孫來止而歌雨我公田。遂及我私。噫嘻之詩言春夏祈穀於上帝而歌駿發爾


私終三十里。亦服爾耕。十千維耦。周官遂人言興耜。旅師有耜粟。此非鄉遂井田之事乎。載師所徵之賦。非一夫受田之法。而甸稍縣都皆無過十二。則采地固有不爲井田者矣。觀二百一十國謂之州。而五黨亦謂之州。萬二千五百家謂之遂。而一夫之間亦謂之遂。王畿謂之縣。而五鄙亦謂之縣。縣都之名。豈特施於采邑已哉。

國中九經九緯



匠人營國方九里。旁三門。國中九經九緯。經塗九軌。
左祖右社。面朝後市。賈釋注云。營謂丈尺其大小。天子
十二門。通十二子。謂以甲乙丙丁等十日爲母。子丑寅
卯等十二辰爲子。國中王城內。經緯之塗皆容九軌。軌
謂轍廣也。乘車六尺六寸。傍加六寸。凡八尺。九軌七十
二尺。則此加十二步矣。王城面有三門。門有三塗。男子
由右。女子由左。車從中央。南北之道爲經。東西之道爲
緯。王宮當中經。

天子五門三朝



案朱子曰王宮之外門五。一曰皋門。二曰雉門。三曰庫

門。

鄭康成以雉門在庫門內而設兩觀。

四曰應門。五曰路門。

又曰畢門。其亦曰虎門。

其

朝在雉門之外者曰外朝。在路門之外者曰治朝。路寢

之廷曰內朝。鄭康成小司寇注以外朝在雉門之外。朝

士注又疑外朝在庫門之外。皋門之內。蓋因雉門外有

宗廟社稷。故疑不得置外朝。不知外朝爲致民三詢之

地。雉門爲人民觀法之區。則外朝當在雉門之外。故依

鄭前注及朱子說以圖之。又爾雅觀謂之闕。是劉熙釋